

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 9/7808


2023թ.

**Արկադի Միքայելի Աթաբեկյանին
Հասցե՝ Արմավիրի մարզ, Վաղարշապատ ք., Օռջոնիկիձե 25/34**

Ուղարկվում է Ձեր դիմումի հիման վրա հարուցված վարչական բողոքարկման վարույթի արդյունքում կայացված թիվ 8180245386 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ << 3 >> թերթ:

Հարգանքով՝

**Պետի պարտականությունների ժամանակավոր
կատարող, ոստիկանության գնդապետ**  **Ա. Մաթևոսյան**

Կատ. Մ.Գույումջյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 18.04.2023թ. կայացված թիվ 8180245386 որոշումը բեկանելու և վարչական իրավախախտման վերաբերյալ գործի վարույթը կարճելու մասին

28.04.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Արկարի Միքայելի Աթաբեկյանի (Այսուհետ՝ դիմող) ՀՀ ՆԳՆ ոստիկանության պարեկային ծառայություն ստացված՝ 20.04.2023թ-ին դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

18.04.2023թ.-ին՝ ժամը 13:30 -ին, Երևան քաղաքի Դավիթ Բեկի փողոցում դիմողի վարած «Մուստանգ» մակնիշի BB6192 ժամանակավոր համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Երևան գնդի 2-րդ գումարտակի 3-րդ վաշտի պարեկ, ոստիկանության լեյտենանտ Ռոման Գևորգյանի կողմից՝ «ԱՊՊԱ մասին» ՀՀ օրենքի 5-րդ հոդվածի, 4-րդ մասի պահանջները խախտելու, այն է՝ առանց գործող ԱՊՊԱ պայմանագիր ունենալու տրանսպորտային միջոցը վարելու համար և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություն և կայացվել թիվ 8180245386 որոշումը՝ դիմողին 100.000 ՀՀ դրամ գումարի չափով տուգանելու մասին:

Դիմողը 20.04.2023թ-ին դիմումով խնդրել է բեկանել ՀՀ ՆԳՆ ոստիկանության պարեկային ծառայության թիվ 8180245386 որոշումը, մասնավորապես հայտնելով, որ իր տրանսպորտային միջոցի համար ունի «Արմենիա Ինշուրանս» ապահովագրական ընկերության հետ կնքված պայմանագիր և դիմումին կից ներկայացրել ԱՊՊԱ պայմանագրում փոփոխություններ կատարելու վերաբերյալ թիվ 1 համաձայնագիր:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական

իրավախախտման գործով կայացված թիվ 8180245386 որոշումը ենթակա է բեկանմամբ՝ հետևյալ պատճառաբանությամբ և հիմնավորմամբ.

Ուսումնասիրելով դիմումին կից ներկայացված «Արմենիա Ինշուրանս» ապահովագրական ընկերության հետ կնքված թիվ SJ 703495 վկայագրում փոփոխություններ կատարելու վերաբերյալ թիվ 1 համաձայնագիրը, պարզ է դառնում որ BB6192 համարանիշի տրանսպորտային միջոցի համար կնքված պայմանագրի գործողության ժամկետն է 17.04.2023թ.-ից մինչև 27.04.2023թ., իսկ ASWA էլեկտրոնային կայքի ուսումնասիրությամբ հաստատվում է որ 18.04.2023թ. ժամը 13:30-ին նշված տրանսպորտային միջոցը ունեցել է գործող ԱՊՊԱ պայմանագիր:

Պարեկային ծառայության ծառայողի պարզաբանման համաձայն տրանսպորտային միջոցը առանց գործող ԱՊՊԱ պայմանագիր վարելու փաստը արտացոլվել է իրեն ամրակցված դյուրակիր համակարգչում առկա ծրագրում, ինչի հիման վրա կազմել է արձանագրություն և կայացրել է որոշում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

«Վարչական իրավախախտումների վերաբերյալ» օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 18.04.2023թ. կայացված թիվ 8180245386 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

**Պետի պարտականությունների ժամանակավոր
կատարող, ոստիկանության գնդապետ**

Ա. Մաթևոսյան



Արկարի Միքայելի Աթաբեկյանին

Հասցե՝ Արմավիրի մարզ, Վաղարշապատ ք. Օտյոնիկիձև 25/34

Ուղարկվում է Ձեր դիմումի կիսման պահանջված վարչական բողոքարկման վարույթի արդյունքում կալացված թիվ 8180245386 որոշումը բեկանելու և վարչական իրավախախտման վերաբերյալ գործի վարույթը կարծելու մասին որոշման օրենակը:

Առիթր՝ << 3 >> թերթ:

Հարգանքով՝

Պետի պարտականությունների ժամանակավոր
կատարող, ոստիկանության գնդապետ

Ա. Մաթևոսյան

Կայմ Զ. Պարսկյան